

Granvin kyrkjelyd

inviterer



KONFIRMAN





Kvifor konfirmant?

Konfirmanttida er ei tid for å tenkje nye tankar, få nye opplevingar og kanskje nye vener! Tema vi skal utforske saman, er: Kvar kjem eg frå? Kva skal eg bruke livet til? Finst Gud? Vennskap og menneskeverd. Sorg og glede. Mote og mobbing. Kjærleik, seksualitet og samliv. Miljø og rettferd. Korleis kan eg bety noko for andre? Kven er Jesus?

I konfirmanttida er det tid og rom for å tenkje og stille spørsmål. Ei tid for å lære meir om Gud, om deg sjølv og om andre menneske.

Det vert informasjonsmøte i Granvin kyrkje
tysdag 9. juni kl. 17:00

Kva er konfirmasjon?

Ordet konfirmasjon kan bety både «å stadfeste» og «å gjere sterk». Konfirmasjonshandlinga er ei forbønshandling der vi ber Gud om å velsigne og styrkje kvar enkelt konfirmant. Det krevst ingen vedkjenning frå konfirmanten. Det viktigaste med konfirmanttida er å bli betre kjend med den kristne trua, der Gud seier ja til oss og vil vere ein del av livet vårt.

Konfirmasjonsdato

Granvin kyrkje, søndag 9. mai 2027 kl.11:00





For å bli konfirmert i Den norske kyrkja skal ein vera med på 60 timar undervisning i løpet av ca. 8 månader. Undervisninga vil føregå annakvar onsdag i Granvin kyrkje.

Er du ikkje døypt?

For å verte konfirmert må ein vera døypt. Ungdomar som ikkje er døypt er velkomne til å vera med i konfirmantundervisninga og ta eit val ut frå det som skjer der. Dåp skjer etter avtale med dei det gjeld.

Dette får du vere med på gjennom konfirmantåret

- Presentasjonsgudsteneste i Granvin kyrkje 06.09.26 kl. 14:00
- Lysmesse første søndag i advent, 29.11.
- Ein gudsteneste der konfirmanten er medhjelpar
- Andre gudstenester - konfirmanten vel sjølv tid og stad

Konfirmantleir i lag med konfirmantane i Ulvik, Eidfjord, Kinsarvik, Lofthus, Jondal og Utne

Fasteaksjon - Tysdag 16. mars 2027

Undervisningstimar. Info kjem til påmeldte

Me ynskjer at konfirmasjonstida skal vera for alle. Difor treng me veta om nokon av konfirmantane har behov for tilrettelegging på eit eller anna vis. Me har ikkje ressursane og tilgang til informasjonen skulen har.

Bruk feltet på innskrivings skjemaet de finn på www.voss.kyrkja.no til å fortelje oss om ting de trur me treng veta.

Matallergiar er det òg viktig at me får veta om.

Sjølvsagt er all slik informasjon omfatta av teieplikta til oss som er tilsett i kyrkja.

I konfirmantarbeidet er me HØFLEGE og RAUSE med kvarandre og me møter kvarandre med RESPEKT.

Saman vil vi alle gjera vårt for å få ei flott konfirmantttid. Det krev din tid og heilhjarta innsats. Me har med oss fleire frivillige som brukar av fritida si for å gje deg eit godt tilbod. Det er viktig å møte dei og alle med respekt og følgje godt opp alle beskjedar og avtaler.

Ditt ansvar er:

Å delta aktiv og ta omsyn til dei andre

Å møte opp på samlingane og vera presis

Å vera oppmerksom og tilstade i undervisningstida



Påmelding

www.voss.kyrkja.no

Påmeldinga til konfirmantåret skjer via internett.

Gå til **voss.kyrkja.no**. Under konfirmasjon/Granvin sokn finn du link til påmeldingsskjema. Fyll inn all informasjon me ber om og klikk på «send» for å verte påmeld. Du finn òg skjemaet via qr-koden.

Hovudperiode for påmelding: **Før sommarferien**

UTAN INTERNETT? Ring oss på kyrkjekontoret: 56523880

INFORMASJON TIL PÅMELDINGA

I tillegg til fullt namn og adresse/postadresse må du ha klart e-post til konfirmant og foreldre, mobilnummer til konfirmant og foreldre, personnummer til konfirmanten og dåpsdato og dåpskyrkje. Om konfirmanten ikkje er døypt skriv ein ikkje noko i desse felta.



Har du spørsmål?

Ta kontakt med
Sokneprest Anne Marthe Ulvik, 92435096
au237@kyrkja.no

